

# Weekend Hümmerich 2018

Rapido weekend *Hümmerich* 2018

Idderein haet ut waal ens beej de hand gehad.

De kries 'n mailtje of via face-book of twitter wuurd dich gevraog

um iets of emand te *sponsore*.

In dit geval waar det de *erme sloeberclub*



van de 3 gebrüder die op *zwart zaod* zoote.

Ik kós in Venlo allein de 2 gebrüder die vruger met paerd en ker naeve de deur ginge um greunte en fruit te verkoupe.

Die hadde thoes neet vuuel te makke maar det is in de loup der jaore van zwart zaot in 'n goldmien veranderd.

Det die 3 gebrüder zoeë slech geboerd hadde wis ik neet.

Ze ware nao 30 Rapidowiekende *zoeë good as blut* en hadde al vuuel muibels mótte verklatse um broeëd op de plank te kriege.

Dao leep zelfs un blind paerd niks mier um in hoés, zón kale bedeuning.

Enfin we hebbe met diek 40 man de portemonnee getrokke en zien op *vriedaag den dertiende* naor ut Westerwald gereije um die 3 óet d'n ozel te helpe.

We mochte beej Hotel Fernblick gelökkig 2 nachte blieve slaope en kreges ouk nog good te aete.

De 3 erme sloebes hadde un plan bedach um 40 man van eur eige pieke 2 daag bezig te halde .

In ut *Westerwald* kins se lekker wandele en as se mazzel hes zuus se aaf en toe un ree of hert veurbeej scheete.

Ut prakkezere kump van erm luuj, det waar duudelik wat 't entertainment betref.

Laot die 40 man tössedoor wat opdrachte doon en zet wat *sportbein* op un foto



Tja..... die bein raoje waar 'n moeilikke kwestie.

Ut gevolg is det in de bós geregeld eine van de groep met *de bóks naor ónder* stónd um de res te laote raoje !



De opdrach um 2 vorkette te laote zweve binne 5 minute waar wat te vaer gezóch. Beej ut sponsor-gruupke zote gen *zweverige types* ,die staon allemaol stevig met 2 bein op de grónd. Logisch det ut nemes is gelök.

Beej de pauzeplaats vónd *Frau Paganetti'* det die 3 d'r slech óet zooge dus kregte ze beej eur bestelling óngevraag soep veuraaf en 'n puddingske as toetje.

Allée, um de gasvreejheid aaf te make kreeg de res van de groep det ouk, de 3 gebrüder ware metein 'n hiel ind *baove Jan*.

Beej Hotel Fernblick hadde we qua aete ouk al gen klage , van de *Cordon Bleu* kós se gemekkelik met 2 man bikke.

Die 3 Brüder, zoge d'r op vriedaagaovend erg *ónappetietelik* óet en un paar vrouwluuj hebbe die 3 tössedoor ens onder den douche gezatte en wat fatsoenlikke kleier aangetrokke.





Die *verwinnerie* ware die jónge neet gewind.....ze bleve ouk bes lang weg.

Iddere groep waar vreej um op *Zaoterdaagaovend* wat veur te drage.

Un leedje, un filmke, un veurdrach of gewoeën un verhälke,  
d'r waar variatie zat.

Dao hadde die 3 sloebers mazzel mei..... det waar allemaol veur nop.

Ze kregre ouk nog un taot *antieke cente* kedo, dao kins se op de antiekmert flink wins  
op make!

Ik dink det d'n ermood veurluipig veur 'n  
jaor is opgelos,

Al met al waar ut 'n sportief wiekend met  
vuuel lache, vuuel onzin en vuuel  
plezeer.

Jónges geej heb *paerds gelök* gehad det  
die 40 sponsors óg óet den ozel hebbe  
geholpe.

Bin wat verstandiger dit jaor, laot die  
*Bitcoins* noow ens links ligge.

Wae zaet det d'r 't volgend jaor weer 40 mefkes zien die sponsor wille speule.....?



Elly van Elswijk